



## DONARE SOS ÒRGANOS EST... A DONARE VIDA!!



Dare sos òrganos est unu atu de tziviltade e respetu pro sa vida. "Donare" cheret nàrrere a dare carchi cosa chi tenimus sena chi nemos nos ddu preguntet, sena tènnere nudda in càmbiu.

Cando morit calicunu chi nos istat a coro meda e semus sufrende che canes, no est fàtzile a pensare a àtere, a pensare a calicunu chi est malàidu e chi, sena un'òrganu nou, at a tènnere pagas possibilidades de bìvere. Pro custu, diat èssere



cosa bona su de s'informare e detzidere ite fàghere in casu de morte, cando semus ancora bios e sanos,.

In custa manera semus seguros chi sa voluntade nostra at a èssere respetada e nde leamus a sa famillia nostra su pistighinzu de dèvere detzidere issa in unu momentu de dolore mannu.

B'at bator maneras pro espressare sa voluntade de dare òrganos e tessuti:

- fàghere una de craratzione, in unu fozu biancu cale si siat, in ue tocat a iscrìere: nùmene, sambenadu, data e logu de nàschida, de craratzione de voluntade (emmo o nono), data e firma; su fozu cheret portadu semper invatu paris a sos àteros documentos personales;
- tènnere s'atu iscritu dae s'A.I.D.O o dae una de sas *donorcard* de sos assòtzios de setore, de portare semper invatu paris a totus sos àteros documentos personales;
- fàghere sa rezistratzione de sa pròpia voluntade in sos isportellos de sas Aziendas Sanitàrias Locales e in sos ufìtzios anàgrafes comunales chi tenent custu servìtziu;
- cumpilare su Tesserinu in colore biaitu de su Ministèriu de sa Salute, de costoire paris a totus sos àteros documentos personales.

Sa de craratzione de voluntade si podet cambiare in cale si siat momentu; cussa bàlida est semper s'ùrtima fata.



Si podent donare sos renes, cantos de fìgadu, tessuti e tzèllulas finas essende galu bios, sena perìgulu perunu pro sa salute.